

COVID-19 Impfstoff

Waut ess een Impfstoff?

Een Impfstoff ess eene Oat Medizin. Impfstoff woat mett eene Notel jejaewt.

Waut deit dis Impfstoff?

Een Impfstoff schuetzt die ver Krankheite. Daut jefft veschiedene Sorte Impfstoffe fe veschiedene Sorte Krankheite.

Send Impfstoffe sejcha?

Joh. Doktasch enn Weetenschauftla oabeide lang enn schwaa omm sejchre Impfstoffe too moake. Blooss gaunz sejchre Impfsoffe kohme enn Kanada oppen Moatjt. Dee Sejchaheit vonne Medizin woat foaken aewaproeft enn dissem Laund.

Jefft daut fe COVID-19 een Impfstoff?

Joh, daut jefft een poah Sorte Impfstoffe jaejen COVID-19.

Send dee Impfstoffe fe COVID-19 sejcha?

Dee wore je enn groota lel haeajestalt.

Joh. De Doktasch enn Weetenschauftla oabeide lang enn jewessenhaft om dee Sejchaheit too garantiere. Blooss gaunz sejchre Impfsoffe kohme enn Kanada oppen Moatjt. Dee Sejchaheit vonne Medizin woat foaken aewaproeft enn dissem Laund.

Kaun etj von dem Impftöff COVID-19 tjriee?

Nae. Du kaunst nich COVID-19 von dem Impfstoff tjriee. Dee Impfstoff halpt Dien Tjarpa den COVID-19 Virus too finje enn too betjampfe.

Jefft daut vom COVID-19 Impfstoff Nebenwirtjunge?

Nohm Impfe kaun eena Nebenwirtjunge tjriee. Dee Oarm kaun vonne Notel onmacklich senne. Du kaunst die meed feehle enn Feeba tjriee. Dit meent, daut dien Tjarpa den Impfsstoff oppnemmt. Disse tjenne een poah Doaglang aunhoohle. Maunche Mensche send opp dem Impfstoff allergisch. See tjenne schlemme Nebenwirtjunge erlaewe. Soohe schlemme Nebenwirtjunge send selden.

ENN WAUT ESS WANN MIENE SYMPTOME LENJA AULS EEN POAH DOAG AUNHOOLE?

Du hast die vleijcht verrem impfe aunjestetjt. Wann dee Symptoome lenja auls eent ooda twee Doag aunhoohle, best Du vleijcht krank. Dann sullst Du self-Isoleare (Mensche vom Liew hoole) enn die fe COVID-19 teste lohte.

Waea tjrijcht auls easchta den Impfstoff?

Doktasch, Krankenschwestre en aundre Jesundheitsoabeida tjriee enn Manitoba auls easchte den Impfstoff.

Aundre, de seea krank woare tjenne send dann auls naejchste draun. Dit send ellre Mensche enn Einheimische, Indieauna.

Wannea kaun etj den Impfstoff tjriee?

Daut nemmt vael Tiet om jenuag Impfstoff fe Jeedamuan too moake. Veschiedene Mensche woare too veschiedene Tiede den Impfstoff tjriee. Dee Rejierung enn Experte oabeide toop omm soohnt too raejle. Meea Utkunft woat dann mettjedeelt, wann see den Impfsstoff tjriee tjenne enn selle.

Mott etj nohm Impfe noch eene Maske droage enn mie de Mensche vom Liew hoohle?

Joh. Eene Mask droage enn physisch opp Distanz gohne woat Die enn dien Nohba sejcha hoohle.

Mott etj fe den Impfstoff betohle?

Dee Impfsstoff ess fe de Enwohna Manitobas omsonst.

Mott etj mie impfe lohte?

Sich jaejen COVID-19 impfe lohte ess diene freee Wohl. Vaele Mensche saje veschiedene Sache von dem Impfstoff. Eene Informatione send vleijcht nich rejchlich. Du kaunt mett Jesundheitsbeaumta aules aewa den impfstoff berede. Dee woare die mett goede Information beleahre.